



## МЕСЯЦА СЕНТЯБРЯ В 21-й ДЕНЬ

Отдание праздника всемирного Воздвижения  
честнаго и животворящаго Креста.  
Обретение мощей святителя Димитрия,  
митрополита Ростовскаго

### НА МАЛЕЙ ВЕЧЕРНИ

На Господи, воззвах: стихирь, глас 1.

Подобен: Небесных чинов:



мале был еси верен, Димитрие, / над многими ты  
постави Господь, / и вшел еси в радость Господа  
твоего, / идеже предстои Ему, // молишися о  
душах наших.

В единонадесятый час потрудивыйся, / равен динарий  
с первыми приемлещи: / жития бо святых написавый  
нам, / и сам в книги живота вечнаго // с ними написался  
еси.

Отрочество твое на учение, / юношество на подвиги  
монашеския, / мужественный же возраст на пользу  
всем освятил еси, / ихже ради ты ныне // во святых  
почитаем.

Якоже мир и вся красная мира, / тако и начальство  
над братиею оставивый, / вселился еси в Киев паки  
близ пещер, / отонудуже бисер житий святых // труды  
твоими ископал еси нам.

Слава, глас тойже:

Препрославлен буди, / Триипостасный Боже наш, / яко  
в поздняя лета / новаго чудотворца Димитрия // России  
даровал еси.

И ныне, праздника: вся сия зри 14 сентября.

Аще же несть отдания, Богородичен, глас тойже:  
Небесных чинов радование:

### На стиховне стихиры, глас 2, самогласны:

Ра́дуйся, гра́де Ростове, / яко от Кіева, с преждепочившими в тебе, / и сего́ па́стыря Димітрія, // ны́не во святыхъ почита́емаго, прия́л еси́.

**Стих:** Священницы Твой облеку́тся в правду, // и преподобнии Твой возра́дуются.

Ра́дуйся, священное сослoвие, / в тебе́ бо возсия священноначальник Димі́трий, / на него́же изли́яся нетле́ние, // а́ки миро на браду́ Аарoну.

**Стих:** Честна́ пред Го́сподем // смерть преподобныхъ Его́.

Ра́дуйся, Димі́трие, / святітелей похвало́, священниковъ сла́во, / правило мона́хов, // Це́ркве утвержде́ние.

### Сла́ва, глас то́йже:

Возда́ждь сла́ву Бо́гу твоemú, Росси́е, / яко Просла́вивый тебе́ пре́жде святы́ми // не оставя́ет прославля́ти и ны́не.

### И ны́не, пра́здника.

**Аще несть отда́ния, Богородичен, глас то́йже:** Все упова́ние моё:

**По Ны́не отпу́щаеши: тропа́рь святітеля. Сла́ва, и ны́не, пра́здника. Аще несть отда́ния, Богородичен, глас 8:** И́же нас ра́ди рождейся от Де́вы:

### НА ВЕЛИЦЕЙ ВЕЧЕРНИ

**Блаже́н муж: 1-й антифо́н.**

**На Го́споди, воззва́х: стихи́ры пра́здника на 6 и свята́го на 4.**

**Аще несть отда́ния, стихи́ры свята́го на 8. Глас 8.**

**Подобен: О,** пресла́внаго чудесе́:

Днесъ свидeтельство сы́на гро́мова / и на тебе́ сбы́тся, свя́те Димі́трие, / во́истину бо свидeтельствoвася ти от всехъ / и от Са́мыя Истины, / яко тво́ими моли́твами немощни́и врачу́ются, / слeпни́и прозира́ют, хроми́и ходятъ, / де́мони отгоня́ются и вся ско́рби реша́тся. / Сего́ ра́ди почита́ем тя вси, // но́вый наш Росси́йский чудо-тво́рче.

**Новоявлeнне святітелю Димі́трие, / в час сме́рти, па́че же живота́ твоего́ / чре́сла любви́ю препоя́сал еси́ / и, но́зе обу́в во упова́ние Христо́во, / свети́льник ве́ры украси́л еси́ елеемъ делъ благо́их. / Тем с му́дрыми**

вшел еси в Небесный чертог, / идеже предстоя Владыце Христу, помолися, / да пришедшу полуночному воплю, // изыдем в сретение Ему и мы готовы.

**О**, глубина судеб Божиих! / О, бездна неисчерпаемых Его благостей! / Како за праведность мзду праведнику восприят, / дерзновение обрет за чада твоя, / ихже хранит Господь тебе ради, / праведниче Божий Димитрие. / С седмаго месяца начал еси трудиться в списанных житий святых, / в седмый и мзду приял еси явлением мощей твоих. // Моли спастися всем чтущим тя, ново-явленне Димитрие.

**Глас 6: В** житий твоём, святителю Димитрие, / чресла любовью препоясал еси, / и нозе обув во упование Христова, / светильник веры украсил еси елеем дел благих, / тем с мудрыми вшел еси в Небесный чертог, / идеже предстоя Владыце Христу, молися, / да пришедшу полуночному воплю, // изыдем в сретение Ему и мы готовы.

### Слава, глас 8:

**Красны** нозе благовествующих мир, / благовествующих благая, / красны воистину нозе и твой, о Димитрие, / паче же весь красен еси, / яко внегда приити тебе на престол свой, / абие мир всем благовестил еси: / мир Церквам и градом, / мир домом и всякому сожителству. / Мир Божий, якоже Павел, вещал еси, / да водворяется в сердцах ваших, / и мир имейте и святину со всеми, братие. / Тако убо и ныне посетивый нас явлением мощей твоих, // благовестуй и миру велию милость.

### И ныне, праздника.

**Аще несть отдания, Богородичен, глас тойже: Царь** Небесный:

### Вход. Прокимен дне, и чтения три.

**Притчей чтение: Память праведнаго с похвалами: Притчей чтение: Уста праведнаго каплют премудрость: Премудрости Соломоновы чтение: Праведник, аще постигнет скончатися: (зри страницы 755–756).**

### На литии стихирьы праздника и святаго стиховныя.

### Аще несть отдания, стихирьы святаго. Глас 7:

**Велий** еси, Господи, / и дивен во святых Своих, / яко по успении и во гробе Самуилевы кости пророчествуют /

и Елисеёвы мёртвыя мёртвых воскрешают,/ Илиина же мѣлоть сюду и сюду воды разделяет./ Чюдна сия войстину и дѣвна,/ но чюднее сень Петро́ва и главотяжи Па́вла,/ ѿже дѹхи нечѣстыя прогоняху и исцеляху всяку болѣзнь и язву./ Сим всем почудѣвшеся чудесѣм,/ просла́вим чудодѣющаго Бѹга и ны́не// во святе́м чудотво́рце Димѣтрии.

**Глас 6:** Приѣмляй моли́твы святы́х Твоѣих на Небесѣх/ и обеща́вый ра́ди пра́ведных не погуби́ти грѣшныя на землѣ,/ повелѣл еси́ ты́я в моли́тву призыва́ти къ Тебѣ, Го́споди:/ иди́те бо, глаго́леши, к рабу́ Моему́ Йову,/ и сотвори́т же́ртву и моли́тву за вы./ Но и сам Твой уго́дник Моисѣ́й,/ и в пещѣ три́е ѳтроцы,/ егда́ умоля́ху Тя за лю́ди согре́шшия,/ пре́жде почи́вших пра́отцев святы́х представля́ху Ти./ Си́це и ны́не, моля́щеся Тебѣ, Христе́ Бѹже наш,/ приводим в моли́тву уго́дника Твоего́ Димѣтрия, свято́ пожившаго,/ да его́ ра́ди пра́ведника пощади́ши нас, грѣшных,// и спасе́ши дѹши на́ша.

**Глас 5:** Приидѣте, правосла́вных собѹри,/ воспоѣм святы́теля, уче́нием к богоразу́мию нас наста́вльшаго,/ исто́чника чудес предѣвнаго,/ Це́ркве светѣльника пресвѣтлаго,/ учи́теля Ростѹву премѹдраго/ и всей Росси́и прекра́сное удо́брѣние,/ той бо избавля́ет нас от вся́ких злых искуше́ний и бед// и мо́лится о ду́шах на́ших.

Христо́во ста́до словѣсных овец/ на зла́це благоче́стия до́бре упасл еси́, иерарше,/ те́мже и по преставле́нии/ це́рковных твоѣих чад не оставля́й, но посещай/ и, Святе́й Трои́це со архиере́и предсто́яй,/ моли́ спасти́ вся,/ честны́х твоѣих мощѣ́й обре́тение любѹвию почита́ющия,// Димѣтрие прехва́льне.

Зна́мени и чудесы́ тебе́ Госпо́дь просла́ви,/ святы́телю Димѣтрие,/ прогоня́еши бо дѹхи и врачѹеши стра́сти,/ дѹши просвѣща́еши ве́рных, приходя́щих къ тебе́,/ Ангелов равностоя́телю,/ архиере́ев сопресто́льне,/ апо́столов еди́нонравне,// благове́рия побѹрнице.

### Сла́ва, глас 6:

Гра́д освяты́ся, наро́ди благослови́шася,/ Це́рковь перво́родных дѹхом ликовству́ет/ во обре́тении честны́х твоѣих мощѣ́й, иерарше Димѣтрие,/ с людьми́ зовѹщи:/ ты́ мой кре́пость и утвержде́ние,/ ты́ мой

доброта, и тобою хваляся./ Молися спасти вся,/ любовию всемирное святых твоих мощей обречение// присно славящая.

### И ныне, праздника.

**Аще несть отдания, Богородичен, глас тойже: Творец и Избавитель:**

### На стиховне стихиры праздника с припевы их.

### Аще несть отдания, стихиры святого, глас 3:

Слушая гласа Господня, призывающего тя к Себе,/ готов был еси, Димитрие, к исходу твоему от сей жизни./ В вечер и в полунощи,/ в петлоглашение же и утро не воздремал еси,/ ожидая к себе Господа,/ дондеже, сретив, вшел еси к Немю в радость вечную,/ идеже предстоит Ему, молишися:/ да подаст и нам жизнь святу// и кончину христианскую.

**Стих: Священницы Твой облечутся в правду// и преподобнии Твой возрадуются.**

Облекийся ныне за подвиги в преподобие,/ облечлся еси и во святину за незлобие,/ яко жениху целомудренну, возложи ти венец чудотворения/ и, яко невесту, украси тя Господь за чистоту нетлением./ Дарова же ти сокровища неветшающая на Небеси,/ яко иноческую нищету соблюл еси до смерти на земли,/ веруя Богу бьити приятнее сие,/ аще кто тя помянет ничтоже оставивша по себе./ Поминай убо нас ты паче, приснопамятный Димитрие,/ много прегрешений имущих,// но ничтоже от благих дел содержащих.

**Стих: Честна пред Господем// смерть преподобных Его.**

Любопытную десницу да отразиши от поискания имений твоих,/ предвозвестил еси в завете, нищелюбче Димитрие, глаголя:/ яко аще и много кто потрудится о тех, но ничтоже обрящет./ От негоже и мы научимся, братие,/ яко лучше не имети или расточати на нищия,/ неже собирать и оставляти по себе.// Сиче бо можем купити у Христа Царство Небесное.

### Слава, глас 4:

Возрадуемся, Российской собори,/ похвалу Ростовскую ублажающе,/ чудотворца Димитрия,/ сей бо много потрудися в списании душеполезных нам книг,/ имиже

развращенныя от праваго благочестия пути / ко истине направляются, / православных же сердца в правоте утверждаются. / Емуже и возопиим: / о премудрый учителю, молися Христу, / да твоим учением наставляеми, // получим живот вечный.

**И ныне, праздника.**

**Аще несть отдания, Богородичен, глас тойже: Призри на моления:**

**Тропарь, глас 8:**

**П**равославия ревнителю и раскола искоренителю, / Российский целобниче и новый к Богу молитвенниче, / списанными твоими буйх уцеломудрил еси, / цевнице духовная, Димитрие блаженне, // моли Христа Бога спастися душам нашим.

**Тропарь святаго дважды и праздника единожды.**

**Аще несть отдания, тропарь святаго дважды и Богородице, Дево: единожды.**

**НА УТРЕНИ**

**На Бог Господь: тропарь праздника дважды. Слава, святаго. И ныне, праздника.**

**Аще несть отдания, тропарь святаго дважды. Слава, и ныне, Богородичен, глас 8: Иже нас ради рождейся от Девы:**

**По 1-м стихословии седален, глас 3:**

**М**арфа и Мария, сестры Лазаревы, / ова, сидящи при ногу Иисусову, слышаше слово Его, / ова же печашеся о Христовом угощении, / ты же, обоим сим подражая, / и в различных послушаниях Христово иго сладце носил еси, / и, слыша и творя сам слово Божие, / тому же прочих учил еси. / Тем якоже на земли от царей и владык различные почести, / тако и на Небеси неотъемлемыя тех части у Христа сподобился еси, / Егоже моли, да подаст душам нашим богомудрие Мариино, / телесем же трудолюбие Марфино.

**Слава, и ныне, праздника.**

**Аще же несть отдания, Богородичен, глас тойже:**

Егда съдет на Престоле славы Своея Судия нелицемерный, / тогда, о Богоневестная Владычице Марие, / всесильным предстательством Твоим заступи мя, / ни внимания бо, ни трудолюбия стяжах сестр Лазаревых, / но все житие мое издих, прилежа самолюбию и молвам житейским. / Темже прежде времени прибегаю под кров Твой и вопию: / заступи мя, о Всеблагая моя Покровительнице, в День он Судный.

**По 2-м стихословии седален, глас 8:**

Яко на сядалищи седоша и у нас суеверствующие фарисеи, / показующе себе быти пред невежы законоучителями, / но не разумюще ни яже сами утверждают, ни яже пред другими глаголют, / ихже дерзкое по пришествии твоём в паству увидев неистовство, / абие ревнуня по благочестию, возревновал еси / и, аки Илия, вся тайноводительства раскольническая извед на средю, / посрамил еси, оставив нам в познание лжи их обличительное наставление. / Егоже ради ты ныне яко истиннаго наставника нашего и учителя / почитаем вси, богомудре Димитрие.

**Слава, и ныне, праздника.**

**Аще несть отдания, Богородичен, глас тойже:**

На всяк день и час чрез Моисея и пророков / взывает Сын Твой на покаяние мя, о Господже Владычице, / но аз не токмо сим, но ниже аще кто и от мертвых востал бы, небрегу внимати. / Что убо будет и на что надеюся аз, окайнный? / Токмо к Тебе со слезами вопию: / направи слух и ум мой к призывающему мя Сыну Твоему, / да имиже весть судьбами наставит мя на путь покаяния.

**По полиелеи седален, глас 7:**

Яко финикс, процвел еси нетлением от земли, / и, яко кедр, иже в Ливане, умножился еси чудесы, / превознесенся еси явлением, яко град, верху стой, / и возсиял еси памятию твоею, яко светильник из под спуда на свет. / Яже вся на тебе видяще сбытия, / прославляем Возвеличившаго ты тако во святых Своих. / Ты же, яко имея дерзновение ко Христу Господу, / помолися, святоявленне Димитрие, / да спасет и просветит души наша.

### Ин седáлен, глас 7:

Просиял еси добродетельным житием твоим, святителю Димитрие, / украшаяся красотой нрава, воздержанием и милосердием, / златословесными же твоими учениями украшая Христову Церковь, / темже, приснопамятне, предстои Престолу Вседержителя, / моли Христа Бога даровати грехов оставление / празднующим любовью всечестную память твою.

### Слава, и ныне, праздника.

#### Аще несть отдания, Богородичен, глас тойже:

Пророцы Тя предвозвестиша, апостоли Тя проповедаша, / мученицы прославиша, святителие ублажиша. / Тем и мы с ними, Богородицу, Тя исповедающе, благочестно величаем.

**Степenna, 1-й антифoн 4-го гласа. Прокимен, глас 4:** Уста моя возглаголют премудрость // и поучение сердца моего разум. **Стих:** Услышите сия, вси языцы, внушите, вси живущии по вселенней. **Всякое дыхание: Евангелие от Иоанна, зачало 35, от полу.**

#### По 50-м псалме стихира, глас 6:

Излияся благодать во устнах твоих, / святителю Димитрие, / ученьми бо твоими Церковь украсил еси, / истину Православия уяснил, / пагубное же раскольническое мудрование посрамил еси. / Тем якоже в житий, / тако по отшествии твоём потщися, / да поне чудесы твоими уверяеми, / приидут в чувство и прославят купно с нами / Триипостаснаго Бога // от нас исходящии, но не от нас сущии.

**Канон праздника со ирмосом на 8 и святаго на 6. Аще несть отдания, канон Богородицы со ирмосом на 6 и святаго на 8.**

#### Канон святаго, глас 6.

##### Песнь 1

**Ирмос:** Яко по суху, пешешествовав Израиль / по бездне стопами, / гонителя фараона / видя потопляема, // Богу победную песнь поим, вопияше.

Гордому фараону в ожесточении уподобихся / и того потоплению за нераскаяние подпадох, / но ты, святый



Димітріе, путеводитель ми буди к покаянію,/ яко да и аз от Христа получу вход в Землю Обетованную.

Ни себе пощадих, ни ближняго помиловах,/ но присно чреву, яко на Египет, работая,/ и сам истаеваю гладом и жаждою,/ и другим от крупиц падающих насыщаться возбраняю./ Сего ради к тебе, пастырю добрый Димітріе, оставляемый, прибегох,/ да напитаети мя, аки манною, словесы твоими/ и напоиши мя слезами умиления.

Утѣх, утолстѣх, забѣх Тя, Бога, Спасяющаго мя, тяжко бо ушима слышу и сердцем разумѣю,/ аще и призываеши мя к Себе чрез закон и пророки./ Темже, о Творче и Избавителю мой,/ житіем и учением угодника Твоего Димітрія исправи и спаси мя.

**Богородичен:** Ка́я польза в крови мое́й, внегда сходи́ти ми во истле́ние,/ или́ что приложится мне,/ аще и весь мир приобретаю, ду́шу же погублю,/ но Ты, Владычице, помози́ ми,/ да получу́ от Христа́ Спа́са Твоего́ прощѣние грехо́в и жизньъ вѣчную.

### Песнь 3

**Ирмос:** *Нестъ свят,/ якоже Ты, Господи Бо́же мой,/ вознесѣй рогъ вѣрныхъ Твоихъ, Бла́же,/ и утвердивъй нас на ка́мени// исповѣдания Твоего́.*

Утверди́ся сердце моѣ в памятозлѣбии,/ разшири́шася уста́ моѧ на смѣхи и осужде́ния,/ возвесели́хся о падѣнии ближняго моего́,/ учению же твоему́ богоугодному, святителю, ни ма́ло внима́х./ Понѣ убо чудесы́ твоими́ прмени́ мя отселе/ и сотвори́ подражателя жити́ю твоему́.

Ины́я страны́ хва́лятся премудростию своею́,/ другія́ силою и богатством,/ мы же похваля́емся многоцеле́бными́ святыхъ Бо́жих и твоими́ мощми́, чудотворче Димітріе,/ от нихже получа́ем телесѣмъ здравіе/ и душамъ нашимъ спасительное врачевание.

Дай́ моли́тву моля́щимся/ и благословля́й в ле́та на́ша па́мьять пра́ведника Твоего́, Димітрія,/ пода́ждь моли́твами то́го заступле́ние от врагъ ви́димыхъ и неви́димыхъ.

**Богородичен:** *Взбра́нная Победительнице и крѣпкая во искуше́нияхъ на́шихъ Засту́пнице,/ не прѣзри грехъ ра́ди на́шихъ ускори́ти на по́мощь/ и от бедъ изба́вити нас, еди́на Чы́стая, еди́на Благословѣнная.*

## Аще отдание, кондак и йкос святаго.

### Седáлен, глас 8:

Дрѣвних преподобію подражая,/ освятѣл еси житіе твоѣ на службу Бóгови в осмоенáдесять лѣто./ Отнѣлеже и был еси велик монах,/ священник, учитель, иерáрх,/ ныне же чудотворец и молѣтвенник о душахъ нашихъ.

### Слáва, и ныне, прáздника.

#### Аще несть отдания, Богородичен, глас тойже:

Златоковáнный кивотъ вмещáше в себѣ дрѣвле/ богописанный законъ и небесную мáнну./ Ты же, Богородительнице, зачѣнши, плóтию Сына Бóжия родила еси/ во обновленіе и спасеніе душъ нашихъ.

### Песнь 4

**Ирмос:** Христосъ моя сила,/ Бог и Господь,/ честная Церковь/ боголѣпно поетъ, взываящи// от смысла чиста, о Господе прáзднующи.

Познá вол ясли гóспода своего и осѣл стяжавшаго его,/ аз же безсловесными страстьми удалѣхся от Творца моего,/ но ты, пáстырю благій Димѣтріе, яко овчá заблуждшее, взыщи мене/ и Христову стаду сопричти мя.

Удóбее от тернія собирать виноградное грóздіе и от рѣпия смоковіе,/ неже от жестокаго моего сѣрдца приносѣти елѣй милосѣрдия./ Сего ради, дѣлателью винограда Христова Димѣтріе,/ оградѣ мя страхомъ Господнимъ и напоѣ мя водою умиленія.

Сіяя со́лнце Своѣ на благія и дождя на прáведныя,/ да и власъ главы моея не погѣбнет, храниши мя, грѣшнаго./ Вся стихіи мене ради злáго стáша в чѣне своемъ,/ аз едѣн то́чию пребываю в нечѣувствіи./ Но даждь ми, Гóсподи, угóдника ради Твоего Димѣтрія/ разумѣти дела Твоя и, слыша слухъ Твой, боятися Тебѣ.

**Богородичен:** Внегда приблизитися летомъ воплощенію,/ посреде двою живóтну познán бысть./ Внегда приити времени ко спасенію,/ посреде двою разбойнику явѣся Сынъ Твой, Богородице./ Непостижимо во обоихъ сихъ Слово,/ да мы, воплощенному и пострадавшему за ны поклоняющеся Словоу,/ Тя, Мáтерь Бóжию, в пѣсняхъ возвеличимъ.

## Песнь 5

**Ирмос:** *Божиим Светом Твоим, Блаже, / утренюющих  
Тя души любовью озари, молюся, / Тя ведети, Слове  
Божий, / Истиннаго Бога, // от мрака греховнаго вызы-  
вающа.*

Светильник ногама мойма закон Господень, / и свет  
стежам моим оправдания Егб, / аз же, во тьме неведения  
ползя и толкийся, / не хочу с мудрыми светильника  
стяжати. / Но ты мне, светоявленне Димитрие, невесто-  
водитель предстани, / яко да и аз духом к Богу от нощи  
утреневати потщуся.

Болезную телом, болезную и душею: / овому яко доса-  
дих объядением и пьянством, / ову же яко разслабих  
грехми. / Сугуба болезнь и тяжка, / но ты, новый чудо-  
творче, умоли Христа, Врача всех, / да обою исцелити  
благоизволит.

Господи Боже наш, даждь нам мир во днех на-  
ших, / Господи Боже наш, стяжи в нас любовь, / да  
вси едиными усты и единым сердцем / исповедуем  
Единого Тя в Троице славиമാго Бога.

**Богородичен:** *Страха Господня во чреве не приях, /  
ни сердцем о нерадении поболех, / но, присно зачиная и  
раждая грехи ко грехом, / от умножения тех совестью  
снедаюся. / Сего ради в многоплодии сем беззаконнем  
к Тебе, Владычице, вопию: / сотвори мя возродитися в  
живот вечный покаянием.*

## Песнь 6

**Ирмос:** *Житейское море / воздвигаемое зря напастей  
бурею, / к тихому пристанищу Твоему притек, вопию  
Ти: / возведи от тли живот мой, // Многомилостиве.*

От кита Иону, от блаата же езернаго тебе, святителю  
Димитрие, изведе Господь на свет, / ов триднэвен во  
утробе не вредися, ты же четыредесятилетен неистлен-  
нен в недрах земных пребыл еси. / Велие чудо! Но боль-  
ше дарование Божие, / ибо ты чудесы, яко пророка,  
прослави.

Древнии они ниневитяне, невернии языцы суще, /  
единою пророческою проповедию покаяшася. / Аз же,  
толико наставлений божественных имея / и по вся дни  
чтомая слушая, неисправен пребываю, / но ты, святит-  
телю, молитвами твоими к деланию сих настави мя.

**Б**эдна грехов послéдняя обéде мя,/ и треволнёние страстéй погружаёт мя./ Тем, дондеже не понрё душá моя во áде,/ к Тебé, Господу Бóгу, от скóрби вопию,/ да праведника Твоего ráди Димíтрия услышиши и спасёши мя.

**Богорóдичен:** Скóрая в бедáх Помóщнице,/ готóвое обуреваемым пристáнице,/ сохрани мя, Мáти Бóжия, от потоплёния житéйскаго/ и не даждь ми разбítися о кáмень пагубы душéвныя.

**Аще отдáние, тóкмо кондáк и йкос прáздника.**

**Аще несть отдáния, кондáк и йкос свята́го.**

### Кондáк свята́го, глас 8:

**З**вездú Россíйскую, от Кíева возсиявшую/ и чрез Нóвград Сёверский в Ростóв достíгшую,/ всю же странú сию учёными и чудесы́ озарíвшую,/ ублажím златословёснаго учителя Димíтрия,/ той бо всем вся написá, яже к наставлению,/ да всех приобретаёт, якоже Пáвел, Христу́// и спасёт правове́рием дúши нáша.

### Йкос:

**П**раведным о ка́ющихся на Небесí,/ нам же, грёшным, на землí о тебé, праведниче Димíтрие,/ подобáет возрадоватися,/ яко нóваго тя к Бóгу молíтвенника о нас стяжáхом,/ егóже достóйными похвалáми ублажа́юще,/ сiце от рáдости зовём:/ рáдуйся, Ростóвская похвалó и всея Россíи прославлёние.

### Песнь 7

**Ирмос:** *Росодáтельну ўбо пещь/ содела́ Ангел/ пре-подобным отроко́м,/ халдéи же опаля́ющее/ велёние Бóжие мучителя увещá вопiти:// благословён еси́, Бóже отéц нáших.*

**Я**коже триé óтроцы в пещí вавилóнстей/ óгненную сiлу угасiша молíтвою,/ тáко ты, богоявлённо Димíтрие,/ возникший огонь в саможего́мых скiтах учёными твоими потребiл еси́./ Отню́ду же ты за спасёние душ погиба́ющих/ Господь прослáви чудесы́ и нетлением,/ мы же святолёпными пёснями ублажа́ем.

**О** коли́ких благ, окаяннии, лишiстеся, раскóльницы:/ ни священноначáльника бо ймате, ни вождя́ йстиннаго ко спасёнию,/ ниже́ Безкрóвныя Жёртвы, ниже́ другiх

таинств сподобляетесь./ Но понé ныне познайте пагубное своё заблуждѣние,/ и аще делом и учѣнию ангелоподобнаго Димітрія не верите,/ то чудесем, от него бываемым, якоже халдеи онии, веруйте,/ да с нами купно едиными усты помолитесь Богу отец наших.

**Войстину, Бóже наш,/ Ты еси Един Бог богов и Господь господей/ и разве Тебѣ инаго и Твоея Святѣя Соборныя Цѣркве несть/ ни на Небесѣ, ни на землѣ, идеже подобает спастѣся./ Сего ради даждь нам едиными усты и единым сердцем/ удивляющаго вся хотѣния Своя во святѣх, Тебѣ славити.**

**Богородичен:** Провидец Даниил усмотри Тя гору, Неискусомужная Дѣво,/ приснопамятный же во святѣх наш Димітрий,/ якоже Гедеон, Рунó Орошенное Тя нарече./ Мы же, обоѣ исповедающе, просим:/ да на отторгшемся от Тебѣ Камени, Христѣ, утверждается Цѣрковь/ и право верующих сердца росюю благодати Твоея напаяются.

### Песнь 8

**Ирмос:** Из пламене преподобным росу источил еси/ и праведнаго жертву водою попалил еси:/ вся бо твоириши, Христѣ, токмо еже хотѣти, // Тя превозносим во вся вѣки.

Вся средства, святителю, на взыскание заблуждших употребил еси,/ разливающийся пламень по скитом водою покаяния погашая,/ морельщиков к безсмертной трапѣзе призывая,/ просвещенных же и отпадших, да не второе крестящися паки распинают Христа,/ единого держатися крещенія утверждал еси./ Всех повсюду правовѣрию учил еси/ и ныне своими списанными томужде учиши./ Тем яко истиннаго учителя во святѣх почитаем тя.

Древним оным вавилонским столпотворителем вразі нашего благочестія уподобльшеся,/ дерзнуша неразумія своего толки на песце суевѣрія наздати./ Имже егда опрошася учений твоих воды, святителю,/ абие поколебашася во основани и бысть им падѣние велие,/ нам же, благочестивым, подкрепленіе и исправленіе.

**Безначальне Отче, Сыне Собезначальне, Утѣшителю Благій, Душе Правый,/ Слова Божія Родителю, Отца**

Безначальна Слове,/ Душе Живый и Зиждяй,/ Троице  
Единице, помилуй мя.

**Богородичен:** Якоже купина, огнём распалёма, сама  
не стараше,/ но Боговидца, устранив, приведё к почи-  
танию,/ тако Ты, Неискусобрачная Невесто,/ приёмши  
во утробу Огнь Божества,/ нетленна в Рождестве пре-  
была еси./ Дивное таинство!/ Непокорников благоче-  
стию стыдом опалёши,/ почитателей же правоверных  
орошаеши чудесы изобильно.

### Песнь 9

**Ирмос:** Бога человеком невозможно видети,/ на  
Негоже не смеют чини ангельстии взирати./ Тобою  
бо, Всечистая, явися человеком/ Слово воплощено,/  
Егоже величающе, // с Небесными вои Тя ублажаем.

Благословен Господь наш, яко посетил нас в лета сия/  
и воздвиже нам в Российстей Церкви новаго чудотворца  
Димитрия,/ якоже бо во дни живота своего служаше  
преподобием и правдою,/ тако и по кончине подаёт ра-  
зум заблуждшим/ ко взысканию путей спасительных.

Слава Тебе, Пастыреначальниче,/ яко и во дни наша  
поставил еси на стражи бодрого пастыря Димитрия,/  
имже прогоняются посрамшия козлища от стада  
Твоего непорочнаго.

Слава Тебе, Христэ Боже,/ благочестивым похвало  
и правоверным веселие,/ яко проповедание святого  
Твоего Димитрия/ достоверными чудесы утверждаеши.

**Богородичен:** Радость от Ангела приимшей,/ и мы,  
по проречению Твоему/ ублажающе со всеми роды,  
евангельски вопием:/ радуйся, Благодатная, Господь  
с Тобою.

**Светилен праздника. Слава, святого. И ныне, праздни-  
ка.**

### Светилен святого, глас 8:

Поставляяй пределы языков по числу Ангел Своих/  
и собираяй от рассеянных сынов Адамлих Церковь  
Свою,/ умножаеши в ней святых Твоя, Боже наш, яко  
звезды на небесы,/ от нихже просия и память святителя  
Твоего Димитрия./ Егоже ради просвети души, помра-  
ченныем раздорным суеверием,/ да вкупе зовём Ти песнь  
трегубую: аллилуйя.

**Аще несть отдания: Слава, и ныне, Богородичен, глас тойже:**

**Стопам отходящаго от нас в горняя святителя Димитрия последующе,/ со упованием к Тебѣ, Владычице, вопием:/ якоже Тя на пречистей иконе с Превѣчным Младенцем пишемую зрим на земли,/ тако даждь нам видети стоящую одесную Сына Твоего Бога/ в неприступнем свете на Небесѣ.**

**На хвалитех стихиры праздника 3 и святаго 3.**

**Аще несть отдания, стихиры святаго. Глас 6.**

**Подобен: Все отложше:**

**Весь от юности твоея возложился еси/ на взыскание премудрости и страха Божия,/ яже обрет, не в земли, аки ленивый раб, сокрыл еси,/ но, уча и творя по Давшему ти талант,/ во сто трудов умножил еси его,/ и был еси великий купец,/ износый на свет ветхая и новая,/ и, открывая глубины разума богописанных книг,/ куплю добру деяти научил еси нас./ Тем, благий и верный рабе Божий Димитрие,/ за толика явленна твоя к нам сокровища// вшел еси в радость Господа Твоего.**

**Весь ум пленил еси в послушание веры,/ да благими дела украсиши ю,/ отнюдуже и делатель винограда Христова явился еси искусный,/ всяку бо розгу, не творящу плода,/ страхом Господним посекал еси/ и едино благочестие сохранял еси в нем,/ отвне его ограждал еси догматы церковными,/ внутрьду укрепил еси столпом правверия,/ всюду предточилия ископовая учений твоих./ Тем и ныне, святый трудолюбче Димитрие,/ присещай виноград твой, ебоже насади десница Вышняго,// да плодопринесит гроздие спасения.**

**Весь невозвратно надеждею возверглся еси на Бога:/ преплавая пучину мира сего, блаженне,/ молвами житейскими не погрузился еси,/ ниже, искушеньми обуреваем, приразился соблазном,/ но, присно благодитишем наставляем,/ достигл еси безмолвнаго пристанища./ И, начен корабль Церкви Христовы правити,/ паки к безбедному плаванию исправил еси,/ паки ереседышущия преложил еси в тщету ветры/ и котвою\* твоих наставлений утвердил еси его,/ яко дивитися нам и от**

\* Котвою — якорем.

Бога просити, / да и впредь противныя ересей ветры // молитвами твоими утишиши.

**Весь еси любовью прилепился к Богу и ближнему, / пастырское бо о стаде своем возымев попечение, / душею трудился еси в богомыслии и в поучениях, / телом же в послужении требующим от тебе помощи: / изнемогающая верою укрепляя, / болящая душею покаянием врачуюя, / сокрушенные совестию твердым упованием обязуя, / заблуждшия от истины на путь правый обращаюя / и погибшия ересем к благочестию взыскуя. / Тем, о пастырю наш предобрый, святителю Димитрие, / помолися о стаде твоём Пастыреначальнику Христу Богу, // да упасет е Сам в единомыслии, любви и правоверии.**

### **Слава, глас 6:**

**Воспой, Россіе, Господеви песнь нову, / похвали, граде, Бога Твоего, Ростове, / яко благоволи Вышний даровати нам новаго чудотворца Димитрия, / свидетельствова на от всех и от Самыя Истины. / Егоже память во святых почитающе, / восхвалим и мы, старцы с юнотами, / и возвеличим давшаго Бога нашего / толикому угоднику Своему в нас просияти // нетлением святолепным и чудодействием.**

### **И ныне, праздника.**

#### **Аще несть отдания, Богородичен, глас тойже:**

**Красота девства Твоего неописанна, / доброта Твоя, о Богомати, несказанна, / избрана бо еси, якоже солнце, / полна, яко луна и дуга в явления своя, / аки стебло ливаново в жатву на горах / и яко кипарис, возрастая от удолия до небес. / Многия доброты Твоя и величия, Приснодево, / но больше всех, яко носиши Носящаго вся. / Егоже моли купно со святым Димитрием, // да спасет и просветит правоверием души наша.**

**Славословие великое. Тропарь святого. Слава, и ныне, праздника или Богородичен. И отпуст.**

### **НА ЛИТУРГИИ**

**Блаженны праздника, песнь 9-я, на 4, и святого, песнь 6-я, на 4. Прокимен, аллилуйярий, причастен праздника и святого.**

**Аще несть отдания, блаженны от канона святого, песни 3-я и 6-я, на 8. Прокимен, глас 1: Уста моя возглаголют премудрость //**



и поучение сердца моего разум. **Стих:** У слышите сия, вси языцы, внушите, вси живущии по вселенней. **Апостол ко Евреям, зачало 318.** Аллилуия, глас 2: Уста праведнаго поучатся премудрости: **Евангелие от Иоанна, зачало 36.** **Причастен:** В память вечную будет праведник:

**Святитель Димитрий Ростовский** (в миру Даниил Саввич Туптало) родился в декабре 1651 года в местечке Макарово недалеко от Киева. Родители его были глубоко преданы Православной Церкви. Отрок Даниил, воспитываясь в благочестивой религиозной атмосфере, вырос глубоко верующим христианином. В 1662 году, вскоре после переезда родителей в Киев, Даниил был отдан в Киево-Могилянскую коллегию, где впервые раскрылись дарования и незаурядные способности талантливого юноши. Он успешно изучил греческий и латинский языки и ряд классических наук.

В 1668 году Даниил принял монашество с именем Димитрий — в честь великомученика Димитрия Солунского. До весны 1675 года он проходил иноческое послушание в Киевском Кирилловом монастыре, где началась его литературная и проповедническая деятельность. Вскоре Димитрий был рукоположен во иеромонаха Черниговским архиепископом Лазарем (Барановичем).

Несколько лет иеромонах Димитрий подвизался, проповедуя Слово Божие, в различных монастырях и храмах Украины, Литвы и Белоруссии. Некоторое время он был игуменом Максаковской обители, а затем Батурицкого Никольского монастыря, откуда в 1684 году был вызван в Киево-Печерскую Лавру.

Настоятель Лавры архимандрит Варлаам (Ясинский), зная духовную настроенность своего бывшего ученика, его образованность, склонность к научному труду, а также большие литературные дарования, поручил иеромонаху Димитрию составление Четвиых Миней (житий святых) на весь год. Работа над этим монументальным трудом стала для иеромонаха, а затем святителя Димитрия делом всей его жизни — с 1684 по 1705 год. Составление Четвиых Миней требовало от иеромонаха Димитрия величайшего напряжения сил. Он



обратился к широкому кругу источников, занимался исследованием и анализом их, закладывая тем самым фундамент отечественной научной агиографии.

Считая издание житий святых первостепенной задачей, иеромонах Димитрий одновременно строго исполнял другие церковные послушания, являясь поочередно настоятелем нескольких монастырей. Труды подвижника обратили на себя внимание патриарха Адриана. В 1701 году указом Петра I архимандрит Димитрий был вызван в Москву, где был хиротонисан на Сибирскую митрополицию кафедру в г. Тобольск. Но через некоторое время, учитывая важность научного труда и слабое здоровье святителя, император отменил свой указ, и вскоре святитель Димитрий получил назначение в Ростов Ярославский, куда прибыл в 1702 году.

Святитель Димитрий углубил и расширил поле своей деятельности,

продолжая составление Четиех Миней, используя новые источники. Он положил много забот в дело образования в своей епархии, укрепляя единство Русской Православной Церкви, нарушившееся старообрядческим расколом. В аскетических творениях выдающегося иерарха, а также в его проповедях видится благодатный

и мужественный подвижник — покровитель богословской науки. В его трудах многие поколения русских богословов черпают духовные силы к творчеству и молитве.

Святитель Димитрий скончался 28 октября 1709 года. Прославление его в лике святых совершилось 21 сентября 1757 года.

В  
ТОЙЖЕ  
ДЕНЬ



## Святаго апостола Кодрата, иже в Магниси

Служба его поется в 22-й день сего месяца, вкупе со священномучеником Фокою.

В  
ТОЙЖЕ  
ДЕНЬ



## Преподобнаго отца нашего Иосифа Заоникиевскаго, Вологодскаго чудотворца

НА ВЕЛИЦЕЙ ВЕЧЕРНИ

На Господи, возвах: стихиры праздника 3 и святаго 5, глас 8.

Подобен: О, преславнаго чудесе:

**П**реподобне отче Иосифе, / мирския молвы себе отлучил еси, / терпением же и постом и частыми к Богу молитвами / плоть свою покорил еси духови, / и змия лукаваго слезными тучами потопил, блаженне, / и глас повеления от Небес слышал еси, / и к премирному возшел еси совершению. / Темже, почитающе память твою, преподобне, молим тя: // моли о нас Христа Бога, спастися душам нашим.

Преподобне отче Иосифе, / мирский мятэж оставль / и друг безмездником и собеседник быв, / взял крест свой, и невозвратным помыслом / Христови последовал еси, преподобне, / душевные страсти искоренил еси, исторгая телесная своя чувства, / огорчевая злостраданием терпеливно. / Во бдениих же с чистою совестью Ангелом собеседник быв, блаженне, // моли спастися душам нашим.

Преподобне отче Иосифе, / вперив ум свой к Богу, / верою ищя сладкаго Света желательне, / и плотскаго

неуставнаго смешения возгнушаяся, / и в церкви Великаго святителя Васілія дивным видением крест свой восприим, / Всевидцу Христу последовал еси, / тело же непокоривое / власными веригами, подвиги воздержания и помысла силою // поработив Божественному Духу.

**Преподобне отче Иосифе, / славу маловременную оставль, / и благоуродство восприял еси, / и бысть добродетелей подвижник, / прилежно Небесней Царице служа, / постом плоть свою изнурил еси, / того ради Христос обогатил тя чудесы. / Поминай нас, чад твоих, верно совершающих всечестную память твою, // и испроси спасение душам нашим.**

### **Слава, глас тойже. Самогласен:**

**Преподобне отче Иосифе, / мира красоты отрехся / и всякое наслаждение маловременных возненавидев, / иноческое житие паче возлюбил еси, / в нем подвижаяся всячески злостраданием, / и худость ризную носить избавил еси, / власными веригами тело свое удручил еси / и каплями слез твоих диавола потопил еси, / возжелел еси наследник быти Небесных сокровищ, / того ради Ангелом собеседник быти сподобився, / но поминай стадо твоё, еже собрал еси, мудре, / чтущих верою память твою, / и, яко дерзновение имея ко Христу Богу, // моли спастися душам нашим.**

**И ныне, праздника.**

**Вход. Прокимен дне.**

**И чтения три преподобническая (зри страницы 272–273).**

### **На стиховне стихиры, глас 5.**

**Подобен: Радуйся:**

**Преподобне отче Иосифе, / исто Христов крест на рамо взем, / доблественне найтия вражия поправил еси и пустыню составил еси, / где же и обрел еси живопримнаго источника, Богоматере образ, / якоже купину неопалиму, к Небеси возводящую лестницу. / Темже вси верою поклоняемся чудотворному Ея святому образу, / егоже на объятиях своих даролюбезно носил еси, / о всеблаженне Иосифе, иноком похвалю, // Христа непрестанно моли спастися душам нашим.**

**Стих:** Честна́ пред Го́сподем // смерть преподо́бных Егó.

**Ра́дуйся, Ио́сифе, /** ино́ком добродéтелей подви́жник был еси́, / те́мже, ве́рою соше́дшеся вси, / по досто́янию ты чтем, я́ко вои́стину служи́теля Христо́ва изя́щнаго, / ра́дуясь бо ше́ствовал еси́ до ме́ста сегó, / на не́мже о́браз Бо́жия Ма́тере вселит́ся хотя́ше, / и благода́тию Бо́жиею укрепля́емь, невидимыми а́нгельскими гла́сы наслажда́ясь, / те́мже тебе́ вси зыва́ем: // о нас моли́ся спасти́ся душáм нáшим.

**Стих:** Блаже́н муж, боя́йся Го́спода, // в за́поведех Егó восхо́щет зело́.

**Ра́дуйся, Ио́сифе преподо́бне, /** слéзными исто́чники дýшу свою́ омы́вая пред о́бразом Бо́жия Ма́тере / и всено́щным стоя́нием, / я́ко к Самóй Цари́це мы́слию устремил́ся еси́ / и, к Небеси́ возвыша́ясь, о нас хода́тайствуеши, / укрепля́емь, земны́я ве́щи, му́дре, я́ко умéты, ни во что вмени́л еси́ / и собрал еси́ в души́ своéй божéственное богáтство Свята́го Дýха, / непо́рочную моли́тву и чистоту́ краснолéпну и наде́яние твёрдо. / Те́мже и вы́шняго при́ятия насле́дник явил́ся еси́, / и ны́не в Небéсных селéниях водворя́ешься, // моли́ спасти́ся душáм нáшим.

### Сла́ва, глас 8. Самогла́сен:

**Преподо́бне и преблаже́нне Ио́сифе, /** любве́ ра́ди Христо́вы вся оста́вил еси́, / богáтство и сла́ву ни во что́же вмени́л еси́ / и в пусты́ню всели́лся еси́, / одея́ние о́строе и сухояде́ние воспри́им, / и е́же на земли́ легáние и чистоту́ душе́вную и телéсную испрáвил еси́, / устна́ми же и умóм соверше́нным / безмо́лвие стяжа́л еси́, / и узкий путь и ско́рбную жизнь препро́водил еси́. / И от безу́мных челове́к поноше́ние и укори́зну, / ра́дуясь, претерпéл еси́ незло́биво, / те́мже ве́рою вопие́м ти: / о всеблаже́нне Ио́сифе, / Христа́ непреста́нно моли́ // спасти́ся душáм нáшим.

**И ны́не, пра́здника.**

### Тропа́рь свята́го, глас 4:

**И**спéрва жити́е твоé, преподо́бне, / хитрости́ю благо́юрóдства от челове́к утаéно, на Небесéх пред А́нгелы явлéно бысть: / и а́ще на земли́ тьмо́ю очéс

претыка́ясь хождáше, / но, мы́сленными крýлы на вы-  
соту́ возше́д, / присносу́щным свѣтом облиста́емь, / во  
Отѣчествии насле́довал еси́; / и земныхъ мнѣющихся крас-  
ныхъ хра́мов не тре́бовав, / но в Небѣсныхъ селе́х пре-  
свѣтлыя обитѣли стяжа́л еси́; / ни ризами мя́гкими  
оде́ясь, / но па́че власяни́цу возлю́бив, / и сего́ ра́ди  
па́че всехъ имѣний земныхъ Небѣсная сокрови́ща при-  
обрѣ́л еси́; / и на земли́, плóтян сый, со безплóтными  
совокупля́ясь, / Небѣсней Цари́це служа́ и Той прино-  
симыхъ а́нгельскихъ пѣсней наслади́лся еси́, / ихже  
мнози лю́дие, жела́юще, наслади́тися не мо́гут. / Сего́  
ра́ди Всевы́шний Творе́ц о́браз Свой / и Ро́ждшия Его́  
Богома́тере / с высоты́ возду́ха на рúце тво́я, / я́ко на  
херувимская носила́, дарова́ тебе́, / от него́же присно-  
су́щным свѣтом о́чи тво́и уясни́ / и, я́ко росоточа́щий  
о́блак, моли́твами тво́ими весь мир ми́лованный на-  
пой, / и ны́не, в послѣдняя времена́, свята́ю персть тво́ю,  
я́ко Еде́мский исто́чник, во исцелѣ́ние неду́гов устрои́, /  
Его́же моли́, наста́вниче наш, чудоно́сче Ио́сифе, // даро-  
ва́ти нам мир и ве́лию ми́лость.

### Ин тропáрь, гласъ 5:

**С**миренномудрием наказáние благоду́шне приѣмля, /  
и́же от Небѣс неизрече́нный дар при́яти сподобил-  
ся еси́, / и, в плóти сый, безплóтен в служѣ́нии своѣм /  
к Богома́тери трудолю́бне подви́зався, / тѣмже и пу-  
сты́ню множителъну устрои́л еси́, / благоухищре́нным  
же ю́родствомъ челове́ческаго сла́вы избежа́в. / Сего́ ра́ди  
Всевы́шний Мздовозда́тель / в конѣ́цъ вѣка сего́ сугубо́  
тя просла́ви, / и гробъ тво́й свята́й точѣ́нием чудѣс обога-  
ти́ся. / Того́ ўбо моли́, преподо́бне о́тче наш Ио́сифе, //  
дарова́ти нам отпу́щение грехо́в и ве́лию ми́лость.

**Сла́ва, и ны́не, пра́здника.**

### НА УТРЕНИ

**На Бог Господь: тропáрь пра́здника два́жды. Сла́ва,  
свята́го. И ны́не, пра́здника.**

### По 1-м стихослóвию седа́лен, гласъ 5:

Печа́ли жити́я отвѣргся и а́нгельское восприѣ́м  
жити́е, / воздержáнием ду́шу сво́ю удобри́л еси́, / Божия

Мáтере икóне рáдно поклонéние приносíл есí,/ тогó рáди по преставлénии твоём/ чудес благадáти от Бóга приял есí богáтно,/ Иóсифе блаженне.

**Слáва, и ны́не, прáздника.**

**По 2-м стихослóвию седáлен, глас 8.**

**Подóбен: Премúдрости:**

**Мно́гим воздержáнием, преподóбне, житиé своё украсíв,/ путь показáв хотя́щим послéдовати,/ я́же Спас наш и Творец за служéние твоё Пречíстей Егó Мáтери даровá тебе,/ путь, ведúщий в жизнь добродетельми,/ просты́нею мíра отвёргся, и вся, я́же в мíре крáсная, преобíдев,/ евангелским учéнием послéдовал есí,/ власяны́ми верíгами плоть свою́ изнуряя,/ и гóрдаго змíя жестóким воздержáнием убíл есí./ Тёмже на Небесéх водворя́ешься, трисóлнечному Божеству́ предсто́я, блаженне Иóсифе,/ моли́ Христа́ Бóга согрешéний оставлénие даровáти/ чтúщим любóвию святу́ю пáмять твою́.**

**Слáва, и ны́не, прáздника.**

**По полиелéи седáлен, глас 8.**

**Подóбен: Премúдрости:**

**Нищету́ úбо возлюбíл есí пáче богáтства тлénнаго, сою́зом любвé привязáвся,/ земна́я и мимотеку́щая возненавíдев, блаженне,/ и укорíзну от человек и озлоблénие усёрдно подъя́л есí./ Тёмже и к ре́вности а́нгельскаго жити́я воздвìгл есí мно́жество ýночествующих,/ преподóбне óтче наш Иóсифе, моли́ Христа́ Бóга/ грехóв оставлénие даровáти нам и вéлию мíлость.**

**Слáва, и ны́не, прáздника.**

**Степéнна, 1-й антифóн 4-го глása. Прокíмен, глас 4: Честна́ пред Гóсподем// смерть преподóбных Егó. Стих: Что воздám Гóсподеви: Евангелие от Матфе́я, зачáло 43.**

**По 50-м псалмé стихíра, глас 6:**

**Преподóбне óтче Иóсифе,/ очíстил есí существó,/ и сохрани́л есí доброту́ смиренíя по óбразу Бóжию,/ и плоть покорíл есí Свято́му Дúху,/ тогó рáди в тя всели́ся сíла Бóжия,/ и приял есí дар исцелéний./ Идéже**

любы и согласие, ту есть добродетелей познание,/ идеже зависть и рвение, ту есть злобе явление,/ но убо мы страждем от убийственного помысла,/ от негоже да избавит ны Христос Бог,/ поможению Богоматере и молитвами твоими/ подаст милость победительную христоролюбивому народу нашему,/ о немже реди православных благоговейно вопиют:// Господи, помилуй нас.

**Канон праздника со ирмосом на 8 и святого на 6.**

**Канон святого, глас 8.**

**Песнь 1**

**Ирмос: Воду прошед:**

Земная и мимотекущая яко уметы вменив,/ Христа Единого приобрел еси,/ Егоже любовию уязвив душу свою, Иосифе преподобне,/ молися ко Господу нас просветити.

Вошед в церковь Великаго Василия,/ сладкаго света видети сподобився, вопиял еси:/ Избавителю Богу нашему поим.

Навождения вражия и помыслы лукавыя отринув/ и святых безмездники видети сподобився, вопиял еси:/ Избавителю Богу нашему поим.

**Богородичен:** Премудрость Божию войстину, Слово Отчее несказанно рождающая,/ души моея лютую язву исцели и сердечную болезнь,/ Мати Божия, и укрепи.

**Песнь 3**

**Ирмос: Ты еси утверждение:**

Попалил еси углием воздержания/ страстей терние, преподобне,/ и, прогоняя духи, богоблаженне,/ яко светильник, свою душу слезными потоки украсил еси.

В путь, радуясь, со святыми Космою и Дамианом шествуя,/ весело Господеву вопиял еси:/ Ты еси Свет омраченных, и поет Тя дух мой.

Страсти душевные успил еси/ бодренными молитвами и бдением, всеблаженне,/ темже в Небесный чертог вшел еси, радуясь.

**Богородичен:** Устави неуставное помышлением моим, Чистая,/ бесов смущение, Мати Божия,/ яже к Сыну Твоему направляющи моя движения.

**Кондак и йкос праздника.**

## Седáлен, глас 8.

Подóбен: Премудрости:

**К**расоты́ мирскія от младых ногтѣй возненавидѣв,/ Христá Единаго возлюбил еси́,/ худость ризную носить избóлил еси́,/ кровными каплями диáвола потопил еси́,/ по смѣрти своѣй Небѣсное богáтство и слáву вѣчную восприя́л еси́,/ дáльным я́ко близ явля́ешься,/ повелева́я скоро тещи́ к пречудному образу́ Бóжия Мáтере./ Тѣмже почитáем твоѣ успѣние/ и, в нем торжествующе, вопи́ем ти:/ богонóсе óтче наш Иóсифе, моли́ Христá Бóга/ победительная правослáвным христиáном на супостáты даровáти/ и душáм нáшим вѣлию мѣлость.

**Слáва, и ны́не, прáздника.**

### Песнь 4

**Ирмóс: Услы́шах, Гóсподи:**

**В**о отѣчествии благовóнно юрóдство приѣм воздержáнием,/ от человек поношѣние по навету змѣя прия́л еси́, Гóсподеви вопи́я:/ разумѣх делá Твоя́, Гóсподи, и прослáвих Твоѣ Божество́.

**Ч**еловѣческия мирскія любвѣ отвѣргся,/ достíгл еси́ гóрняго Иерусали́ма,/ идѣже Христóс со Отцѣм и Дúхом,/ от Него́же свет тебѣ даровá,/ и áнгельскія глáсы слы́шал еси́,/ прославля́ющих Нераздѣльное Божество́.

**З**аконополо́жника воздержáнию ино́ком и прáвило крóтости,/ дрúга искренняго свyтым безмѣздни́ком Космѣ и Дамиáну бывша́/ приими́, Бóже, моли́тву,/ с нимже прославля́ем Твоѣ Божество́.

**Богорóдичен: Очищѣние нáшим невѣдением дáруй,/ я́ко Ты еси́ Един безгрѣшен,/ и умири́ мир Свой, Бóже, моли́твами Рóждшия Тя.**

### Песнь 5

**Ирмóс: Вску́ю мя отрину́л еси́:**

**С**растѣй мглу, преподóбне, заря́ми осветил еси́, óтче, пóдвиг твоих́,/ просвещѣние Дúха в сѣрдцы воспри́им, Иóсифе,/ Имже попалил еси́ вся бесóвская ополчѣния и ликóм пóстническим причтѣся,/ путѣ́ моя́ напра́ви, молю́тися.

**У**гасив стра́сти росóю воздержáния, óтче блаженне Иóсифе,/ вжегл еси́ огонь любвѣ, вѣры, наде́жды,/ пощѣнием же, я́ко свѣтильник, просвещáяся,/ и безсмѣртно Гóспóдню сын, óтче, был еси́.



Удобрив священную свою душу, всеблаженне,/ изволением юродство и худость ризную имел еси, Небесней Царице служа,/ темже украшен добродетельми показался еси/ чтущим всечестную память твою.

**Богородичен:** Еди́на ро́ждши Де́вою и еди́на муже-неиску́сная яви́вшись, Всенепоро́чная,/ во утробе бо Сло́во О́тчее при́яла еси́ безнача́льное,/ и млеком дои́ши, Деви́це, чу́до стра́шно!/ и, де́вствующи, зако́ны обновля́еши естества́.

### Песнь 6

**Ирмос:** Очи́сти мя, Спа́се:

Собра́л еси́ в души́ сво́ей Божественны́я пло́ды Ду́ха:/ непоро́чную моли́тву, чистоту́ красную́ и бде́ние твёрдое, воздержáния бо́лезни,/ и́миже храм показáлся еси́ Бо́гу Вседержи́телю.

Душе́вный ра́зум вперив́ святы́м благоче́стием,/ сущим на земл́и возвещáл еси́ о Небесней Цари́це:/ образу́ Ея́ моле́ние да да́тся вам,/ темже и телеси́ здравие, очес прозрѣ́ние,/ и душáм к Небеси́ восхожде́ние.

Земныхъ вещейъ худость мимотекл еси́,/ постом и моли́твою на Небеса́ возлетѣв,/ и вѣшняго при́ятія яви́лся еси́ наслѣ́дник/ жити́я соверше́нием.

**Богородичен:** При́яла еси́ вои́стину Божественное Сло́во в ло́жесна́ Тво́я/ и Сего́ па́че естества́, Пречи́стая, роди́ла еси́,/ Егóже моли́твами Тво́ими умоли́/ от бѣдств́ия изба́вити рабы́ Тво́я.

### Конда́к, глас 8:

**О**т юности́ Бо́га возлюбив́,/ просты́нею безгласи́е стяжа́л еси́, преподо́бне./ Сего́ ра́ди и с Небесъ сла́дкий светъ о́чию получи́л еси́,/ и росоточáщий мило́сти пресвѣ́тлый о́браз Богома́тере/ с высоты́ возду́ха чрезъ святы́х безме́здниковъ во объ́ятія при́ял еси́,/ и Ей́ богоуго́дно послужи́л еси́./ И оби́тель соста́вил еси́,/ власяны́ми вери́гами тѣло своѣ́е удручи́л еси́,/ от него́же ка́плями кро́вными диа́вола потопи́л еси́./ Сего́ ра́ди и в послѣ́дняя времена́/ гробъ твой от Влады́ки нашего́ Христа́ точѣ́нием чудесъ обогати́ся,/ тем и мы, ча́да тво́я, любóвию притека́юще к тебѣ́, умильно глаго́лем:/ ра́дуйся, наста́вниче нашего́ спасѣ́ния,/

ра́дуйся, исцелений подателю, // ра́дуйся, отче наш  
Иосифе, мона́хом удобрение.

**Ин конда́к, глас 8:**

**В**ы́шних благ желая́й, / преобидел еси́ до́лу влеку́-  
щая мудрова́ния, / и́бо трудолюбивое свое́ тѣло /  
о́стрым власны́м плетением стерл еси́, / и бысть благо-  
уго́ден служитель Богома́тери. / Стра́ждущим в неду́зех  
явля́ясь, ско́ро помога́еши, / с ве́рою притека́ющим  
к тебе́ неоску́дное здра́вие пода́я, / сего́ ра́ди зове́м ти: /  
разреш́и на́ша болѣзни душе́вные и телѣсныя, я́же к  
Бо́гу моли́твами твоими́, / началообра́зны́й смире́нию  
наста́вниче, отче наш богому́дре Иосифе, // мона́хом  
удобрение.

**И́кос:**

**Е**ва́нгельский глас, отче, услы́шав, / вся оста́вил  
еси́ плотска́я мудрова́ния, / ху́дость ри́зную, персть и  
ка́мение в па́зусе при́им, / я́ко ю́родно с плоти́ю подвиза́лся еси́, / и, безплотных ликостоя́нием чистото́ю  
уподо́бился, / ра́зума дарова́ние от Бо́га при́ят. / Те́мже  
пода́ждь ми по́мощь, да воспою́ в пѣснех си́це: / ра́дуйся,  
богонаса́жденный но́вый виногра́де Господень, Свята́я  
Цѣ́ркве, / я́же изнесе́ся из египетскія идолослужения  
рабо́ты и наса́дися во всей вселенней / и в богопокоры́-  
вей земли́ Росси́стей деснице́ю Вы́шняго Бо́га; / ра́дуйся,  
святите́льское сосло́вие, ино́цы же и прости́и; /  
ра́дуйся и ты, гра́де наш Во́логдо, / при́имый в себе́  
Оте́честву ходата́я вели́ка; / ра́дуйся, я́ко моли́твою  
того́ отвѣрзе́ся нам Ду́ха Свята́го прекра́сное оби́те-  
лице; / ра́дуйся, я́ко простре́ся сла́ва его́ по вселенней; /  
ра́дуйся, я́ко моли́твами преподо́бнаго пусты́ня сия́  
твѣрды́м оплото́м оградис́я и ми́лостию Бо́жия Ма́тере  
покры́ся; / ра́дуйся, я́ко и́менем Небе́сных Цари́цы  
вся́кая страсть и я́зва от стра́ждущих отгна́ся; / ра́дуй-  
те́ся, правосла́внии па́стыри с прѣ́чими де́латели  
виногра́да Христо́ва; / ра́дуйся, наш па́стырю́ Иосифе  
преподо́бне, Небе́сный челове́че и земны́й А́нгеле, /  
и́же по досто́янию обогати́ся благода́тию Свята́го  
Ду́ха, / Егѡ́же дарова́нием пода́ждь нам, ча́дом твоимъ,  
ми́лость, да зове́м ти: / ра́дуйся, преподо́бне Иосифе,  
отче наш, / мона́хом удобрение.

## Песнь 7

**Ирмос:** *От Иудеи дошедше, отроцы:*

**У**сердно отлучился еси союза вещи темнаго, о всеблаженне, / яко Божий предстатель, вопия: / отец наших Бже, благословен еси.

**З**ельным пощением, яко благовонною пищею, / питаю душу свою, преподобне Иосифе, / темже Трисолнечному Божеству предстати сподобился еси, / со Ангелы поя: / отец наших Бже, благословен еси.

**В** пристанище тихое вшед, богомудре, / житейских плаваний отбегл еси, вопия: / отец наших Бже, благословен еси.

**Богородичен:** *Избавихомся вси от страстей и бед, обстояний и недуг многообразных / молитвами Твоими, Богомати, / Сыну Твоему зовуще: / отец наших Бже, благословен еси.*

## Песнь 8

**Ирмос:** *Царя Небеснаго:*

**В** пощениих крепкое, в молитвах неленостное терпение восприял еси, / и поношения от человек укоризну приемля, / и превознося Господа во веки.

**У**язвився божественным желанием, всеблаженне, / непорочно и праведно житие препроводил еси, / дондеже достигл еси поклониться Престолу Господню, со Ангелы поя: / хвалите и превозносите Его во веки.

**У**крашен добродетельми и худостию риз, / во мраз зимный босыма ногами ходив / и в ночи предстою образу Небесная Царицы, / молитвы принося, яко Ангел показался еси, / и ныне во веки неизреченныя славы наслаждаешься, / песнь воспевая Христу Богу: / хвалите, пойте и превозносите Его во веки.

**Богородичен:** *Воплощеннаго из Тебе неизреченно / моли помилovati мя, одержимаго болезнями и грехми, / и падшаго возстави, Богомати, / яко да славлю Тя во вся веки.*

## Песнь 9

**Ирмос:** *Устрашися всяк слух:*

**Д**ушевные страсти победив пастырски, всечудне, / созывал еси ко иконе Божия Матере, / Яже подаёт всем недугом исцеление / и от бесов свобождение.

**У**зкий и прискорбный шествовав путь, отче Иосифе,/ телесне убо преставился еси,/ духом же жив Богу предстоиши,/ но, яко имея дерзновение к Богу,/ моли спастися нам.

**Предел** неуклонный твоея к Богу веры и воздержанию/ образа остраго одеяния, и сокрушения тела, и трудов пощения, преподобне,/ никтоже может исчислити,/ войстину Зиждителя всех Бога песнями величаем.

**Богородичен: В** Тя вселися, Всенепорочная,/ Иже человекоубийцу низлож змия,/ первее родоначальных злообразно запеншаго,/ и, Родивыйся из Тебе, вся ны спасл есть.

### Светилен:

**М**ирскаго пристрастия яко от скверны уклонился еси/ и алчною плотью свою увядил еси, отче,/ и Небесною славою обогатился еси,/ темже непрестанно моли Христа Бога,/ преподобне Иосифе.

**Слава, и ныне, праздника.**

### На хвалитех стихиры праздника 3.

#### И святаго 3, глас 8:

**Преподобне** отче Иосифе,/ глас евангельский услывшав,/ мира оставил еси богатство и славу, ни во чтоже вменив,/ душу с телом освятив от всех страстей,/ и Святому Духу прекрасная обитель явился еси,/ и веселие и радость вечную восприял еси, блаженне и премудре,/ темже и стада иноков со архиерейскими чинми,/ чудесно удивляеми, достолепно вопием:// моли спастися душам нашим.

**Богомудре** Иосифе,/ славу маловременную оставль/ и в пустыню вселився,/ тогда плотское мудрование все духови повинул еси,/ пощением и страданиями утвердився,/ ко отцем преставился еси в старости добре,/ темже молим тя,/ чада твоя, ныне:// моли спастися душам нашим.

**Возсия** днесь пресветлая/ и всепразднственная память твоя,/ отче преподобне Иосифе,/ созывающи многочисленное/ постник сословие, преподобных,/ и ликостояния Ангел,/ яко войстину к похвалению/ Иже в Троице покланяемаго Бога, // Егоже моли о душах наших.

### Сла́ва, глас 6. Самогла́сен:

Приидите, празднoлюбцы / и по́стник сослoбие, / véрою соше́дшеся, / йстиннаго по́стника днесь почита́юще, / ра́достно шéствовавшаго по стопáм Влады́ки Христа́, / и у́зкий путь, безстра́стное житиé; / я́коже дрéвле Авраáм пра́ведный, / та́кожде и сий наш предстáтель / преселитися хотя́ше во Отéчество своё от мéста сегó и почи́, / zde же погребéно бысть честнoе тéло егó. / Тёмже вси, притека́юще, вопиём емú: / о всеблаже́нне Ио́сифе, / по́стником похвалó, безплóтным собесéднице, / правосла́вным на погáнья спосо́бнице / и наста́внице йнокoм, / и о нас моли́ся, о рабéх сво́их, / Христу́ Бо́гу нашему, // спасти́ся душáм нáшим.

**И ны́не, пра́здника, глас то́йже.**

**Славослoбие вели́кое, и отпу́ст.**

### НА ЛИТУРГИИ


**Служба о́тдáния и преподо́бнаго.**

#### Моли́тва

О вели́кий уго́днице, пресла́вный чудотво́рче, Ио́сифе преблаже́нне, душе́ю на Небесí Престо́лу Бо́жию предсто́яй и Трoичныя Сла́вы наслажда́йся, тéлом же на земли́ в божéственном хра́ме почи́ваяй и да́нную ти свы́ше благодáтию различная́ источáяй чудеса́! При́зри мýлостивым óком на предстоя́щая ти лю́ди и, я́ко стяжа́вый дерзнове́ние у Го́спода, испроси́ стране́ нашей́ благостоя́ние, возду́ха благораствoре́ние, земли́ плодонóсие, нам же всем, с véрою к тебе́ прибега́ющим и всесвяту́ю па́мять твою́ благоче́стно почита́ющим, от вся́ких бед душе́вных и телéсных избавлéние, я́ко да тво́ими моли́твами наста́вляеми, путь мало́временна́го жити́я нáшего на земли́ безбéдно соверши́м и, неконча́емый поко́й на Небесí улóчивше, просла́вим с тобо́ю кúпно всех благíх Подáтеля, Едíнаго в Трoице сла́вимаго Бо́га, Отца́ и Сы́на и Свята́го Дúха, ны́не и присно, и во véки веко́в. **Ами́нь.**

**Преподобный Иосиф Заоникиевский** († 1612), в миру Иларион, крестьянин деревни Обухово Кубенской

округи, был основателем Заоникиевской Владимирской пустыни в 16 верстах от Вологды. Известно, что он



долго страдал от тяжелой глазной болезни. После неотступных горячих молитв ему в 1588 году явились святые мученики Косма и Дамиан. Они указали ему в болотистом лесистом месте икону Божией Матери, от которой больной получил совершенное

исцеление. Благодарный Иларион расчистил лесные дебри, на месте явления чудотворной иконы установил крест, поставил подле него икону и устроил над ними часовню. Здесь же поселился и он сам, приняв иночество с именем Иосиф.

Так возникла новая обитель, известная как Владимирская (поскольку явление иконы преподобному Иосифу произошло 23 июня 1588 года и совпало с праздником Владимирской иконы Божией Матери) или Заоникиевская. Последнее название возводят к имени разбойника Аники, так как, согласно преданию, лес около новой обители служил раньше прибежищем этому страшному разбойнику.

Вскоре преподобный Иосиф отошел от управления основанной им обители, и ее игуменом стал сначала Антоний, а затем Иоанникий, сподвижники преподобного Иосифа. Сам он предался подвигам юродства Христа ради и скончался в 1612 году. Преподобный был погребен под спудом в основанной им обители.

Празднование преподобному Иосифу установлено Вологодским епископом Павлом в начале XVIII века. Почитаются и преемники преподобного Иосифа – игумены Заоникиевской обители преподобные Антоний и Иоанникий.

В  
тойже  
день

## Преподобнаго отца нашего Данііла Шужгорскаго

### Моли́тва

**О** преблагіи наш пастырю и учителю, великий чудотворче Даниіле! Услыши нас, грешных, молящихся тебе и имя твое святое призывающих! Виждь немощных, уловляемых отвсюду, и всякаго блага лишенных, и умом от малодушия помраченных. Потщися, угодниче Божий, плененных нас свободити и не остави нас, грешных, врагом в радость быти и в лукавых наших деяниях умерети. Моли о нас, грешных, Содетеля нашего и Владыку, Емуже со безплотными лики предстоит: милостива сотвори Бога нашего, да не воздаст

нам по делѡм нашим и по нечистотѣ сердец наших, но по Своей милости да сотворит нам. На твоѣ бо милосердіе уповаем, и тобою хвалимся, и имя твоѣ святое на помощь призываем, и, к тебѣ припадающе, исцелѣнія просим: избави нас, свѣтільниче Христов, от злых бед, находящих на нас, и отвсюду возстающія на ны волны укроти, да не обьмет нас напасть до конца и не погрязнем в пучине греховней. О преподобне отче наш Данииле! Услыши нас, грѣшных, в час сей молѣние тебѣ приносящих: помолися о нас ко Владыце Христу Богу, велие бо дерзновение к Немѹ стяжал еси, искренний молѣбниче о душах наших, умоли Небеснаго Царя отпустить нам грехи и сподоби ны безконечныя радости во веки веков. **Аминь.**

### Ина молѣтва

**О** преподобне и богоносне отче наш Данииле! Услыши мя, недостѡйнаго, в час сей молѣние тебѣ приносящаго: помолися Христу Богу отпустить моя согрѣшения, велие бо дерзновение ко Господу стяжал еси. Умоли Его, святе, молѣтвами твоими, от вечныя муки избавитися ми и Небеснаго Царства наследнику быти со всеми праведными, от века угодившими Господу нашему Иисусу Христу, Ему же подобает всякая слава, честь и поклонѣние, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков. **Аминь.**

**Преподобный Даниил Шужгорский** родился в Московской земле в XVI веке. Подвизался на севере Руси. Принял постриг в Комельском монастыре, основанном преподобным Корнилием Комельским в 1498 году. Преподобный Даниил покинул монастырь и продолжил уединенную подвижническую жизнь в безлюдной и лесистой местности в Белозер-

ском крае, на горе, именовавшейся Шуж-горой. Здесь святой подвижник основал свой монастырь в честь Преображения Господня. В 1764 году монастырь был обращен в приход. Преподобный Даниил был погребен в храме Преображения Господня устроенного им монастыря. Время канонизации святого остается неизвестным.

